

ЎЗБЕКИСТОН РЕСПУБЛИКАСИ СОҒЛИҚНИ САҚЛАШ ВАЗИРЛИГИ

70910209 - «НЕВРОЛОГИЯ» мутахассислиги (Неврология шифокори)

МАЛАКА ТАВСИФНОМАСИ

Тошкент - 2021

ИШЛАБ ЧИҚИЛГАН ВА КИРИТИЛГАН:

Тиббиёт олий таълим муассасалари

ТАСДИҚЛАНГАН ВА АМАЛГА КИРИТИЛГАН:

Ўзбекистон Республикаси Соғлиқни сақлаш вазирлиги Тиббиёт ва фармацевтика узлуксиз касбий таълим муассасалараро Мувофиқлаштирувчи кенгаш йиғилишида маъқулланган.

2021 йил «16» август даги 4 - сонли баённома.

Ўзбекистон Республикаси Соғлиқни сақлаш вазирлигининг 2021 йил «31» август даги 217 -сонли буйруғининг 3 иловаси билан тасдиқланган

ЖОРИЙ ЭТИЛГАН:

Ўзбекистон Республикаси Соғлиқни сақлаш вазирлиги

МУНДАРИЖА

1.	Умумий талаблар	5
1.1.	Ушбу малакавий тавсифнома давлат норматив ҳужжати ҳисобланади ва қуйидаги ҳужжатлар асосида ишлаб чиқилган.....	5
1.2.	Ушбу малакавий тавсифнома давлат норматив ҳужжати ҳисобланади ва қуйидагиларни белгилайди.....	6
1.3.	Ушбу малакавий тавсифнома қуйидагилар учун мўлжалланган.....	6
1.4.	Ушбу неврология шифокори малакавий тавсифномаси қуйидаги ҳолларда қўлланилади.....	6
1.5.	Неврология шифокори профессионал тасдиқланиши ва фаолият шартлари.....	7
2.	Неврология шифокорига бўлган малака талаблар.....	7
2.1.	Неврология шифокори билимлари:.....	7
3.	Неврология шифокори томонидан олиб бориладиган аҳоли соғлиқни сақлаш ва диагностика ишлари.....	7
4.	Неврология шифокори савиясидаги тиббий ёрдам ҳажми.....	9
5.	Неврология шифокори ўзлаштириши зарур бўлган амалий кўникмалар ва компетенциялар.....	9
5.1.	Неврология шифокори томонидан кўрсатиладиган малакали тиббий ёрдам қуйидаги тоифадаги хизматларни ўз ичига қамраб олади:.....	14
6.	Неврология шифокорларининг узлуксиз касбий тайёргарлиги ва аттестациядан ўтказиш.....	16

1. УМУМИЙ ТАЛАБЛАР

Ўзбекистон Республикаси Соғлиқни сақлаш вазирлигининг илмий-тадқиқот институтлари, илмий-тиббий марказларида терапия соҳаси касалликларининг тарқалишини ва кечишини ўрганиш, эрта ташхислаш, даволаш, аҳоли ўртасида терапия соҳаси касалликларининг тарқалишининг олдини олишга ва касалликларнинг кечиши бўйича башорат бера олишга қаратилган илмий-тадқиқот фаолиятини олиб бориш, соғлиқни сақлаш тизимининг даволаш ва профилактика ташкилотларида (туман, марказий туман, шаҳар, марказий шаҳар, вилоят, республика шифохоналаридаги терапия бўлимлари, тез ва шошилиш тиббий ёрдам марказлари) ташхислаш ва даволашнинг замонавий усулларида кенг фойдаланган ҳолда беморларнинг тиббий муаммолари бўйича асосий вазифаларни ҳал қилиш, терапия соҳасидаги тиббий-ижтимоий вазифаларни бажариш бўйича самарали чора-тадбирларни ишлаб чиқиш, соғлиқни сақлаш тизимининг барча бўғинларида терапия соҳасида комплекс масалаларни ечишни ўз ичига олади.

1.1 Ушбу малакавий тавсифнома давлат норматив ҳужжати ҳисобланади ва қуйидаги ҳужжатлар асосида ишлаб чиқилган:

Ўзбекистон Республикасининг “Таълим тўғрисида”ги қонуни. ЎРҚ-637. 2020 йил, 23 сентябрь;

Ўзбекистон Республикаси Президентининг 05.05.2017 йилдаги ПҚ-2956-сонли “Тиббий таълим тизимини янада ислоҳ қилиш чора-тадбирлари тўғрисида”ги қарори;

Ўзбекистон Республикаси Президентининг “Олий маълумотли мутахассислар тайёрлаш сифатини оширишда иқтисодиёт соҳалари ва тармоқларининг иштирокини янада кенгайтириш чора-тадбирлари тўғрисида” 2017 йил 27 июлдаги ПҚ-3151-сон қарори;

Ўзбекистон Республикаси Соғлиқни сақлаш вазирлигининг 26.02.2018-йил 125-сонли “Соғлиқни сақлаш муассасалари ходимларини тайёрлаш ва қайта тайёрлаш тизимини бошқариш ва ташкил этиш бўйича давлат талаблари” буйруғи;

2018 йил 5 июндаги “Олий таълим муассасаларида таълим сифатини ошириш ва уларнинг мамлакатда амалга оширилаётган кенг қамровли ислохотларда фаол иштирокини таъминлаш бўйича қўшимча чора-тадбирлар тўғрисида”ги ПҚ-3775-сонли қарори;

Ўзбекистон Республикаси Президентининг 2018 йил 12 декабрдаги “Юқумли бўлмаган касалликлар профилактикаси, соғлом турмуш тарзини қўллаб-қувватлаш ва аҳолининг жисмоний фаоллиги даражасини ошириш чора-тадбирлари тўғрисидаги” ПҚ-4063 – сонли қарори;

Ўзбекистон Республикаси Президентининг 2019 йил 6 майдаги “Тиббиёт ва фармацевтика таълими ва илм-фани тизимини янада ривожлантириш чора-тадбирлари тўғрисида”ги ПҚ-4310-сонли қарори;



Ўзбекистон Республикаси Президентининг 2020 йил 7 апрелдаги ПҚ-4666-сонли “Тиббий-санитария соҳасида кадрларни тайёрлаш ва узлуксиз касбий ривожлантиришнинг мутлақо янги тизимини жорий этиш чора-тадбирлари тўғрисида”ги қарори;

Ўзбекистон Республикаси Соғлиқни сақлаш вазирлигининг 2020 йил 21 апрелдаги “Ўзбекистон Республикаси Президентининг 2020 йил 7 апрелдаги ПҚ-4666-сонли “Тиббий-санитария соҳасида кадрларни тайёрлаш ва узлуксиз касбий ривожлантиришнинг мутлақо янги тизимини жорий этиш чора-тадбирлари тўғрисида”ги қарори ижросини таъминлаш ҳақида”ги 125-сонли буйруғи;

Ўзбекистон Республикаси Соғлиқни сақлаш вазирлигининг 2020 йил 12 августдаги “Тиббиёт ва фармацевтика олий ва ўрта махсус касб хунар таълим муассасаларида таълим жараёнини ташкил этиш бўйича меъёрий ҳужжатларни янада такомиллаштириш тўғрисида”ги 209-сонли буйруғи.

Ўзбекистон Республикаси Президентининг 2020 йил 25 июлдаги “Коронавирус пандемиясини юмшатиш, аҳолининг санитария-эпидемиологик осойишталиги ва саломатлигини сақлаш тизимини тубдан такомиллаштириш чора-тадбирлари тўғрисида”ги ПФ-6035-сонли фармони.

1.2. Шифокор-невропотолог бўйича малакавий тавсифнома давлат меъёрий ҳужжати бўлиб, қуйидагиларни белгилайди:

- мутахассис-шифокори фаолиятининг асосий талаблари ва фаолият юритиш шартлари,;
- шифокор-невропотолог бўлган малака талабларини;
- шифокор-невропотолог аттестациядан ўтказиш талабларини;
- шифокор-невролог олий тиббий олийгоҳларда тайёрлаш, қайта тайёрлаш ва малакасини ошириш ўқув дастурларини унифицирлаш Ўзбекистон Республикаси соғлиқни сақлаш тизимида - шифокор-невропотолог тайёрланиш сифатини ошириш ва ушбу жараёнда маъсулият ортиб боришига замин яратади;
- “қайта алоқа” механизмларини амалга оширишда клиник лаборатор диагностика шифокорининг амалий фаолиятини баҳолаш мезонларини ишлаб чиқиш.

1.3. Ушбу малака тавсифнома қуйидагилар учун мўлжалланган:

Ушбу малака тавсифномаси қуйидагилар учун мўлжалланган

- тиббий олийгоҳлар ва уларнинг филиаллари;
- соғлиқни сақлашни бошқармалари;
- ушбу мутахассис меҳнатидан фойдаланувчи вазирликлар, бошқармалар, муассасалар ва ташкилотлар;
- соғлиқни сақлаш маҳаллий бошқармалари;
- даволаш иши муассасалари (қишлоқ врачлик пунктлари, оилавий поликлиникалар, кўп тармоқли марказий поликлиника, шаҳар, вилоят, республика даволаш-профилактика муассасалари, она ва болаликни ҳимоя қилиш ташкилотлари, санатор-курорт ташкилотлари, Республика Илмий-ихтисослашган марказлари) лабораториялари;
- тиббий ассоциациялар.



1.4. Шифокор-невропотолог малакавий тавсифномаси куйидаги ҳолларда кўлланилади:

– ўқув режалари ва дастурларини ишлаб чиқишда, кадрлар малакасини ошириш ва уларни қайта тайёрлашда, ушбу йўналиш бўйича мутахассисларга бўлган эҳтиёжни башорат қилишда;

– касбий фаолиятни танлаш, жойлаштириш, қайта тайёрлаш ва малака оширишни такомиллаштиришда;

– 5A510109-Неврология йўналиши бўйича магистрларни якуний аттестациядан ўтказиш учун Давлат имтиҳон комиссиясининг мақсад ва вазифаларини аниқлашда;

– олий таълим муассасаларида ҳамда кадрлар малакасини ошириш ва уларни қайта тайёрлаш институтиларида тегишли фанлар бўйича ўқув режалари, ўқув дастурлари ва ишчи дастурларни ишлаб чиқишда;

– шифокор-невропотолог касбий фаолиятини баҳолаш ва назорат қилиб боришда.

1.4. Шифокор-невропотолог профессионал тасдиқланиши ва фаолият шартлари

шифокор-невропотолог – кенг доирадаги малакали мутахассис ҳисобланади ва аҳолининг касалликларини ташхислаш, олдини олиш чора-тадбирларини олиб бориш учун етарли назарий билим ва амалий кўникмаларга эга бўлиши талаб этилади.

шифокор-невропотолог аҳолининг соғлиқни сақлаш соҳасида ўз профессионал фаолиятини Соғлиқни Сақлаш вазирлигининг тиббий-профилактика муассасаларининг тегишли йўналиш бўғинларида олиб боради:

-қишлоқ врачлик пунктлари, қишлоқ оилавий поликлиникалари, шаҳар оилавий поликлиникалари, кўп тармоқли марказий поликлиникалари, касалхоналар, тиббий марказлар ва даволаш муассасаларининг лабораторияларида;

-олий тиббий маълумотга эга бўлган мутахассислар фаолият юритиши лозим бўлган соғлиқни сақлаш тизимининг тегишли номланиш асосида ташкилот ва муассасаларида;

-соғлиқни сақлаш ташкилотлари, олий ва ўрта махсус ўқув юртларида, тегишли номланишда кўзда тутилган олий тиббий маълумотга эга мутахассислар эгаллаши мумкин лавозимларда.

1. 2. Шифокор-невропотолог бўлган малака тавсифномаси

2.1. Шифокор-невропотолог билимлари:

– соғлиқни сақлаш соҳасида Давлат сиёсати ва унинг амалга оширилишида барча бошқарув органларининг масъулияти;

– ЎЗР тиббиёт соҳасининг ривожланиш стратегияси ва бошқарув тузилмаси (концепция, тамойиллар, асосий йўналишлари);

– Соғлиқни сақлаш тизими ва уларда олиб борилаётган ислохотлар;



– Соғлиқни сақлашни ривожлантиришнинг асосий сиёсий тамойиллари, стандартлари, истикболлари;

– Ўзбекистон Республикасида неврология хизмати ташкиллаштиришни умумий масалалари, Шифохона ва туман субфилиаллари фаолияти, соғлиқни сақлашни бирламчи бўғинида катта ёшлилар ва болаларга тез ва шошилинч ёрдам хизматини ташкиллаштириш;

– неврология хизматини ташкиллаштириш асослари, унинг фаолиятини, неврология ходимларининг ҳуқуқ ва мажбуриятларини, хизматидаги касалликлар турларини белгилаб берувчи асосий ҳужжатлар;

– тиббиётнинг замонавий муаммолари ва ривожланишининг магистрал йўналишлари, ички аъзолар касалликлари диагностикаси ва даволашда янги технологиялари;

– тиббиётнинг шошилинч ҳолатлари ва касалликларининг эпидемиологик маълумотлари, этиологик ва хавф омилларининг таъсири, патогенезининг замонавий назариялари, таснифлари, диагностиканинг, шу жумладан эрта диагностиканинг замонавий усуллари, турли босқичларда даволаш схемалари, бирламчи ва иккиламчи профилактикаси, Ўзбекистон Республикаси соғлиқни сақлаш органларининг шошилинч тиббий ёрдам соҳаси ва хизматига тегишли буйруқ ва норматив ҳужжатлари;

– тиббиётнинг шошилинч ҳолатлари ва касалликларини даволаш жараёнида компьютер технологияларининг ўрни, асосий элементлари, Интернет воситалари, ахборотлар қидириш, маълумотларни сақлаш ҳақида;

– операцион тизимлар, электрон почта, конференциялар ва тақдимотларни ташкиллаштириш.


– Врачлик амалиётида «команда» бўлиб ишлаш тамойиллари;

– тиббиётнинг шошилинч ҳолатлари ва касалликларининг замонавий лаборатор-инструментал ва функционал текшириш усуллари;

– тиббиётнинг шошилинч ҳолатлари ва касалликларининг эпидемиологияси, этиологик ва таҳдид омиллари, патогенезининг замонавий теорияси, таснифи, кечишининг клиник вариантлари, даволашнинг ҳар хил босқичларида дифференцияланган комплекс терапия, асоратларини даволаш, бирламчи ва иккиламчи профилактикаси;

3. Аҳоли саломатлигини сақлаш ва касалликларнинг олдини олишда (профилактикасида) шифокор-невропотолог ўрни

Шифокор-невропотолог фаолиятининг асосий йўналиши соғлиқни сақлаш тизимининг бирламчи бўғимида профилактика ишларини олиб бориш, касалхона, клиника, тиббий марказлар қабул бўлимлари ва бўлимларида профилактика ишларини олиб бориш, хусусий тиббиёт муассасаларида лаборатор хизматларни ташкил қилиш ва амалга ошириш, аҳоли орасида соғлом турмуш тарзини тарғибот қилиш, ташхислаш – профилактика фаолиятида илғор, замонавий лаборатория усуллари жорий этиш, профилактик чора тадбирларни ташкиллаштириш бўйича тўлиқ ҳажмдаги



зарурий кўникмаларга эга бўлган юқори малакали мутахассис сифатида мустақил амалий фаолиятни амалга ошириш хисобланади.

Куйида даволаш иши муассасалари (қишлоқ врачлик пунктлари, оилавий поликлиникалар, кўп тармоқли марказий поликлиника, шаҳар, вилоят, республика даволаш-профилактика муассасалари, она ва болаликни ҳимоя қилиш ташкилотлари, санатор-курорт ташкилотлари, Республика Илмий-ихтисослашган марказлари) неврология шифокори функционал вазифалари келтирилган:

- Аҳолининг тиббий онгини ошириш;
- Соғлом турмуш тарзи тарғиботи;
- Касалликлар олдини олиш чора тадбирларини ўтказиш;
- Касалликларнинг тарқалишини ва кечишини ўрганиш ва эрта ташҳислаш;
- Аҳоли ўртасида касалликларнинг тарқалишини олдини олишга ҳамда касалликларнинг кечиши бўйича башорат бера олишга қаратилган текшириш фаолиятини олиб бориш;
- Соғлиқни сақлаш тизимининг даволаш ва профилактика ташкилотларида ташҳислаш ва профилактиканинг замонавий усулларида кенг фойдаланган ҳолда беморларнинг тиббий муаммолари бўйича асосий вазифаларни ҳал қилишни, комплекс масалаларни ечиш;
- Соғлиқни сақлаш тизимининг бирламчи ва иккиламчи бўғинида режалаш ҳамда бошқарув фаолияти билан таъминлашни билиши лозим.

4. НЕВРОЛОГИЯ ШИФОКОРИ САВИЯСИДАГИ ТИББИЙ ЁРДАМ ҲАЖМИ

4.1. Неврология шифокори томонидан кўрсатиладиган малакали тиббий ёрдам куйидаги тоифадаги хизматларни ўз ичига қамраб олади:

1. Аҳоли орасида кенг тарқалган ва ихтисослаштирилган ёрдам лозим бўлган касалликларни олдини олиш, ташҳислаш, лаборатор-инструментал текширувларни моҳирона ўтказиш билиши шарт. Заруриятда мақсадли текширув режасини туза олиши, уларни тўғри таҳлил қила олиши ва ўз вақтида беморларни керакли мутахассисларга ихтисослашган ёрдам олишга йўналтира олиши даркор.

2. Ихтисослашган тиббий ёрдам зарур бўлган ўткир касалликларни эрта ташҳислаш ва ўз вақтида биринчи шифокорга йўналтириш.

Давомий соғлигида бузилишлари бўлган касалхона шароитида даволанган беморларни даволаш самарадорлиги баҳолаш ва диспансер кузатув ишларини олиб бориш.

5. Неврология шифокорини компетенциялари:

Неврология


1. Соғлом турмуш тарзини шакллантириш, касалликлар келиб чиқишини ва тарқалишини олдини олиш;
2. Касалликларнинг эрта диагностикаси, келиб чиқиш сабаблари ва шароитларини аниқлаш, уларни бартараф этиш;



3. Атроф-мухитнинг инсон соғлигига зарарли таъсирини бартараф этишга қаратилган комплекс тадбирларни амалга ошириш;
4. Даволаш тиббий кўриклар ўтказиш, соғлом ва сурункали касалликлари бўлган аҳолини кузатишни амалга оширишга тайёр бўлиш;
5. Аҳолини химоя қилишни ташкиллаштириш, чора-тадбирларни амалга ошириш;
6. Аҳоли соғлиги тўғрисидаги маълумотларни қўллаган ҳолда йиғиш ва тиббий статистик таҳлил қилиш;
7. Беморларда патологик ҳолатлар, касаллик симптомлари, синдромларини аниқлаш ва касалликлар ва соғлиқ билан боғлиқ муаммолар Халқаро статистик классификациясига асосланган ҳолда касаллик нозологик шаклини аниқлашга тайёргарлик;
8. Диагностик клиник-лаборатор текшириш усулларини қўллаш ва уларнинг натижаларини интерпретация қилиш;
9. Аҳоли, беморлар ва уларнинг оила аъзоларида ўзи ва атрофдагиларнинг соғлигини сақлаш ва мустахкамлашга қаратилган мотивацияга тайёргарлик;
10. Тиббий муассасалар ва уларнинг структур тузилмаларида фуқаролар соғлигини сақлашни ташкиллаштириш ва бошқариш тамойилларини қўллаш;
11. Асосий тиббий статистик кўрсаткичларни қўллаган ҳолда тиббий ёрдам кўрсатиш сифатига баҳо беришга тайёргарлик;
13. Коллективни бошқариш, ижтимоий, этник, конфессионал ва маданий фарқларни толерант қабул қилиш.

Неврология шифокорини билиши ва бажара олиши керак бўладиган амалий кўникмалари:

- неврологик кабинетни (булимни) жихозланиши;
- неврологик асобоб-ускуналарни билиш ва ишлата олиш;
- МАТ ва ПАТнинг патологияларининг нозологик шакллари ва уларнинг белгиланиши
- неврологик касалликлар натижасида ногиронлик гуруҳини аниқлаш ва сабабларини билиш, ишга лоякатлигини аниқлаш;
- суд-тиббийёт экспертизаси (тушунча)
- турли хил МАТ ва ПАТ КА салликлари бор беморларни диспансеризацияси услубини куллаш;
- тиббёт хужжатларини тугри олиб бориш;
- беморларни реабилитацияси усулларини билиш;
- бош мия, орқа мия ва периферик нерсв системасининг қон томир касалликлари ҳақида тасаввурга эга бўлиши;
- неврологик текширишлар ўтказишни;
- марказий ва периферик асаб тизимини анатомо-функционал хусусиятлари: асаб тизимини онтогенез ва филогенези; асаб хужайрасини морфологияси, периферик нервнинг тузилиши, орқа мияни морфофункционал



хусусияти, орқа мия зарарланиш синдромлари, бош мия устунни морфофункционал хусусияти, зарарланиш синдромлари (устунни альтернирлашган синдромлари), тузилиши, функционал хусусиятлари, бош мия катта ярим шарлар пўстлоғини цитоархитектоникаси (Бродман бўйича чизиқлар, олий мия функцияларининг жойлашиши), орқа ва бош мия қобикларини тузилиши ва функционал характеристикаси, марказий асаб тизимини ангиоархитектоникаси.

- харакат сфераси ва унинг зарарланиши: пирамида тутами йўлининг морфофункционал тузилиши, текшириш усуллари ва зарарланиш синдромлари, экстрапирамидал тутам йўлининг морфофункционал хусусиятлари, текшириш усуллари ва зарарланиш синдромлари, миячанинг тузилиши ва функционал хусусиятлари, текшириш усуллари ва зарарланиш синдромлари.

- сезги сфераси ва унинг зарарланиши: периферик рецепторлар тузилиши ва функцияси, оғрик ва температура сезги йўллари, текшириш усуллари ва зарарланиш синдромлари, чуқур-тактил сезги йўллари, текшириш усуллари ва зарарланиш синдромлари, сезги бузилиш тури ва семиотикаси, рефлекслар ва уларнинг бузилиши, физиологик рефлекслар, рефлектор ҳалқа, рефлекслар классификацияси, текшириш усуллари ва уларнинг диагностика учун ахамияти, патологик рефлекслар.

- бош мия нервлари: анотомо-физиологик хусусияти хидлов, кўрув, кўз харакатлантирувчи, уч шохли, юз, дахлиз-чиганок, тилюткун, адашган, кўшимча, тил ости нервларни зарарланиш симптомлари, мия устини зарарланишида альтернирлашган синдромлар, бульбар ва псевдобульбар синдромлар.

- олий мия функциялари ва уларнинг бузилиши.

- вегетатив нерв тизими ва зарарланиш синдромлари: сегментар ва сегмент усти қисмларининг тузилиши ва функцияси, зарарланиш симптомлари, симпатик ва парасимпатик қисмларнинг функционал хусусиятлари, зарарланиш симптомлари, текшириш усуллари

- клиник неврологияда функционал текшириш усуллари:

электроэнцефалография, электронейромиография, эхоэнцефалоскопия, реоэнцефалография, ультратовуш доплерография, рентгендиагностика, компьютер томографияси, ядровий магнит резонанс томография, ликвородиагностика, брахиоцефал томирларнинг ультратовуш доплерографияси, позитрон-эмиссион томография усулини **билиши ва улардан фойдалана олиши;**

- маҳаллий анестетик блокадалар техникасини ўзлаштириш;

- касалларни клинко-неврологик текшириш ва анамнез йиғишни юқори даражада ўтказиш, турли неврологик касалликларда беморларни юксак даражада олиб бориш ва кузатиш.

- текширув ҳажмини аниқлаш билан дастлабки ташҳисни шакллантириш, ЭЭГни мустақил ўтказиш, ЭЭГнинг меъёрий ва патологик кўрсаткичлари ва уларга клиникада баҳо бериш, ЭНМГ: периферик асаб тизимининг хамда асаб

мушак аппарати касалликларига ЭНМГ ахамияти, ЭхоЭС ва унинг бош мия касалликларини ташхис қилишдаги ахамияти, РЭГнинг меъёридаги ва патологиядаги кўрсаткичлари, миянинг қон томир касалликларида РЭГ, рентген ташхиси ва маразий хамда периферик асаб тизимининг касалликларини ташхис қилишдаги унинг роли, КТ, ЯМР, ангиография, миелография, вентрикулография ва б.к.

- реанимацион чораларни ўтказиш (люмбал пункция, марказий веналарни пункцияси ва катетеризацияси)

- зарур даво-диагностик муолажаларни танлаш, реанимацион чораларни ишлаб чиқиш ва ўтказиш.

- зарур тиббий хужжатларни олиб бориш (амбулатор карта, касаллик тарихи) куйидаги касаллик ва ҳолатларда: бош ва орқа мия қон томир касалликларида, бош мия пардалари яллиғланиш касалликларида, моно- ва полинейропатия, асаб тизимининг касалликларида, тарқоқ склероз, ён амиотрофик склероз, асаб тизимининг наслий касалликларида, асаб тизимининг шикастланишида, нерв системасининг паразитар касалликларида *тажриба ва кўникмаларига эга бўлиши керак.*

1. Коагулометрда йўриқномасига мувофиқ ишлаш.

6. ШИФОКОР-НЕВРОПОТОЛОГНИНГ УЗЛУКСИЗ КАСБИЙ ТАЙЁРГАРЛИГИ ВА АТТЕСТАЦИЯДАН ЎТКАЗИШ

Шифокор-невропотолог ўз касбий билим кўникма ва билимларини ўзлуksиз мустақил ўқиш йули билан такомиллаштириб бориши лозим. Неврология шифокорлари олий тиббий ўқув муассасаларда, малака ошириш институтлари циклларида сертификат ва/ёки гувоҳнома олиб ўқишлари мумкин.

Шифокор-невропотолог соғлиқни сақлаш бошқармалари ёки халқаро ташкилотлар томонидан туман, вилоят, республика босқичларида ташкил этилган қисқа муддатли ўқув курслари ва семинарларда катнашиб, улар якунида сертификат, аттестат, гувоҳномалар олиб иштирок этиши лозим.

Кўрсатилаётган тиббий ёрдам сифатини ошириш мақсадида ҳар бир Клиник лаборатор диагностика шифокори ҳар йили аудит ўтказади.

Муҳим шифокор ҳудуди бўйича лойиха тузиб, унинг натижалари даволал кенгашида муҳокама қилинади.

Ҳар бир Неврология шифокори аҳоли соғлигини сақлаш ва тиббий ёрдам кўрсатиш борасидаги ўтказилган ишлар бўйича ҳар йили ҳисобот тақдим этишга мажбур.

Ҳар 5 йилда Неврология шифокори ва педагог тегишли вазирлик томонидан белгиланган ҳажм ва даврда ўз малакасини тасдиқлаш учун малакавий аттестацион имтиҳон топширишга мажбур.



**Малака тавсифномасини тузишда куйидаги хужжатлар билан
ишланган:**

1. Ўзбекистон Республикаси Конституцияси.
2. Ўзбекистон Республикаси Соғлиқни сақлаш вазирлигининг “Тиббиёт ва фармацевтика олий таълим муассасаларида таълим жараёнини ташкил этиш бўйича меърий хужжатларни янада такомиллаштириш тўғрисида”ги 2019 йил 12 августдаги 209 сонли буйруғи.
3. 510000 – Соғлиқни сақлаш таълим соҳасининг давлат таълим стандарти.
4. Россия Федерацияси врач-терапевт касбий стандарти.
5. 70910209--Неврология магистратура мутахассислиги малака талаблари.